

SANITÈ: La doturia Mählknecht é demez dal 01/10 ai 03/10 y vëgn sostituida dal dotur Eduard Agreiter 0474 523 315 - 333 13 80 852.

L'ofize dla repartiziun prestaziuns (Ex-Krankenkasse) tl Distret Sozio-Sanitar a Picolin é indô davert vigni de: lõnesc, dedemesaledema, vëndres dales 09.30 ales 12.45; dedolõnesc y jöbia dales 08.00 ales 12.45
Por d'atres informaziuns: Clara (Distret Sanitar Piculin) 0474 586 120
ida

PLOANIES SAN MARTIN Y LUNGIARÜ

I geniturs di mituns y dles mitans de pröma y secunda mesana da San Martin y da Lungiarü é bel invia a na reuniun por invié ia la preparaziun ala Festa dla Confermaziun (ai 19 de ma 2019 a Lungiarü): en dedolõnesc, ai 2 d'otober, dales 20.00, tl salf di stödafeuch a San Martin. Ciarede düc da gni. *Siur Iaco*

La Ciasa de Palsa Ojöp Frëinademetz inviëia düc a n domisdé d'aurela cörta cun musiga, café y val' de düc y a festejë deboriada le de di seniors. I s'aspetun en lõnesc, al 01 d'otober, dales 15.30 ales 17.00.

En vëndres, ai 5 d'otober, tignunse sciöche i agn passá dales 19.00 la prozesciun cun ciandëres/linternes por recordé la canonisaziun de Sant Ujöp Freinademetz, pian ia da Pradel por le tru de meditaziun y stlujon jö cun la mëssa dl pröm vëndres te dlijia a San Martin. Döta la popolaziun da Lungiarü y da San Martin é inviada da tö pert y da se tö do na ciandëra o na linterna.

SAN MARTIN

I orun jì ala prozesciun dl Rosare ch'i tignun en domënia, ai 7 d'otober, dales 9.00, dan la gran mëssa, da dlijia demez incër la Ciasa de Palsa.

Les Uniuns di Seniors da San Martin y Antermëia inviëia a na jita a Falzes en vëndres, 05/10. Prenotess! *Ciarede ultima plata.*

LUNGIARÜ

I jogh da Lungiarü organisëia en chësta domënia domisdé deplü jüc por pici y gragn. I s'incuntun dales 14.00 sön plaza de dlijia y söla sëra sarál la poscibilite da ciafé na buna griliada!

La Uniun di Seniors da Lungiarü inviëia da gni a chidlé fora Roncac (hotel Waldruh); i s'abinun lafora en vëndres, ai 5 d'otober, dales 14.00. Gnide tröc.

Curs por geniturs a La Ila tla Cassa Raiffeisen, söl tema „Crësce sö con regoles tieres“, cun Roland Feichter. Trëi incuntades, ai 09/10, 23/10, y 06/11.2018, dagnora danmisdé dales 9.00 – 12.00; info y prenotaziun pro Lois Castlunger 0471 847 200.

Döt le bun a chi che complësc i agn d'otober

a San Martin: Maria Clara Verginer che nen complësc 88 ai 2
Anna Mairunteregger Moling che nen complësc 87 ai 18
Giovanni Trebo (Tistler) che nen complësc 87 ai 21
Martin Rives che nen complësc 84 ai 29

a Lungiarü: Rita Zingerle Clara che nen complësc 87 ai 7
Angela Peccei Liotto che nen complësc 81 ai 31



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

30.09. – 07.10.18 nr. 44

ultimo termo por comunicaziuns: jöbia dales 20.00
radio: 90,40 / 93,70

26^a DOMËNIA – Ann B

Vangele do Merch 9, 38–43.45.47–48

Un di dodesc, ti â dit a Gejü: Maester, i ùn odü, sciöch'al n'ê un che parâ fora demonns te to inom; y i ùn porvè da ti al impedì, deach'al n'alda nia pro nos.


Gejü ti â respognü: No ti al impide! Degügn, che fej mirachi te mi inom, ne sciafia tan sauri da baié mal de mè. Deache chi, che n'ê nia cuntra nos, é por nos.

Chël che ves dà inçe mâ n gote d'ega da bëre deach'i aldis pro Crist – amen, i ves diji: al ne gnarà nia da so paiaimënt.

Chël che tira al mal un de chisc piçi che creï te mè, por chël fössel dami, sc'al gniss sciurè tl mer cun na mora da morin incër le col.

Sce na tûa man t'impiza al mal, spo màzela ia;

al é dami por tè rovè storpié tla vita, co rovè cun döes mans tl linfern



Gejü n'ê nia tan radical co sù discepui, che ores partí la jënt te categories.

Gejü n'ó stlûje fora degügn y porchël amplëscel so cërl cotan deplü.

Al á les manies leries canch'ara se trata da valuté chë che pó se dé da fá por le bëgn tl inom de Gejü.

Papa Giovanni XXIII é pié ia y á adressé súa enciclica "Pacem in terris" a döta la jënt de buna orenté, conscidran sciöche partners düc chi che se dá da fá por le bëgn dla tera y dla vita.

Porchël n'orunse gnanca nos stlûje fora chi che vir do le prezet dl amor.

Inultima se stlûj chësc vangele cun na bela porziun d'esageraziun y d'umor. Gejü n'ó dessigü nia ch'al sides jënt che roda incërch ma cun öna na iama o ma cun un n edl.

Plü co ater m'inviëia Gejü da ciaré tla vita ci che é veramënter important, forsc plü important co ester bi sagns y avëi döt.

	SAN MARTIN	LUNGIARÜ	En chësta domënia podessun perié insciö: <i>Bel Dî dla vita, i te periun, implëscesse cun to Spirit, ch'i ciarunse intoronn y sunse bugn da odëi y da desfarenzië, ci che sozed incër nos ia y te nos. Implëscesse cun to Spirit, deache zënza ël se fajunse ert cun nos instësc y cun i atri. Mo cun to Spirit ciafunse le coraje da mudé ci che se lascia mudé y da fá ci che é debojëgn y insciö da jí inant por nosc tru. Amen.</i>  Otober – le mëis dl Rosare <i>Amesa la oraziun dla corona (dl rosare) stá Gejú Crist. Cun Maria ciarunse sön súa vita, súa pasciun, mort y ressureziun. Degügn ne l'á conesciü y acompagné por les staziuns de so tru sciöche Maria - cina sot la crusc. Te ëra s'á desmostré la potënza dla ressureziun: Ara é gnüda tuta sö tla gloria de Dî y é diventada sëgn de speranza por la Dlija y por l'umanité. Ti stligüc dla corona conscidrunse i misters de nosta fede. Da dí tres indô le Pater noster, l'Ave Maria y le Gloria Patri ciafunse pesc daite y i goroi dla spaternöra nes dëida lapró.</i>
30.09.18 26ª DOMËNIA – Ann B	9.00 Corona 9.30 Gran Mëssa dla comunité 11.00 Bato de Marie Graffonara	7.55 Corona 8.15 Gran Mëssa dla comunité 15.00 Corona tla capela de S. Ujöp Fr.	
01.10.18 Lönesc <i>Tarejia dl Bambin Gejú</i>			
02.10.18 Dedolönesc <i>Agnui Custodi</i>	15.30 Mëssa a Picolin dl ann + Maria Pedevilla + Maria Fiung Rives + Hannele Flöss		
03.10.18 Dedemesaledema <i>Beat Josef Mayr-Nusser</i>		7.50 Mëssa di scholars + Rudi Mischi	
04.10.18 Jöbia <i>San Francësch d'Assisi</i>	7.30 Mëssa di scholars por les families Videsott, Cir do intenziun Corona por vocaziuns		
05.10.18 Pröm vëndres <i>Faustina Kowalska</i> Aniversar dla canonisaziun de Sant Ujöp Feinademetz (2003)	Comuniun ai amará 19.00 Devoziun söl tru de meditaziun cun la Uniun dles Ères 19.30 Mëssa en onur de S. Ujöp da Oies ++ de Rita Zingerle Tavella	7.00 Corona y Confesciuns 7.30 Mëssa + Anna Chiusura 8.30 Comuniun ai amará	
06.10.18 Sabeda <i>Bruno, Renato, Isidor</i>	15.30 Mëssa tla Ciasa de Palsa 18.30 Mëssa prefestia + Maria Fiung Rives + Erna Frenner + Mariangel Tavella	14.00 Mëssa da noza de Marisa Clara y Roman Crazzolara <i>degöna Mëssa prefestia</i>	
07.10.18 27ª DOMËNIA – Ann B Segra dl Rosare	9.00 Prozesciun dl Rosare 9.30 Gran Mëssa dla comunité	7.55 Corona 8.15 Gran Mëssa dla comunité por la Uniun dl Rosare 11.00 Mëssa sö Tolp a Lungiarü 15.00 Corona tla capela de S. Ujöp Fr.	